

պետն խորհրդոցն Աստուծոյ հանդիպեալ՝ զոր եւ ճա-
ռէ: Ըստ ապացուցին նէթիճէ աներեւոյթ մնաց եւ ի
հանդերձեալն լաւ բերէր թէ Տացէ Տէր զվարձս քո,
եւ չեմ ողորմելի քան զհեթանոսս, զի ունիմ հաս-
տատագոյն զյոյսն որ է ամենեցուն յոյս: Վարձատրիլ
մագին գլխոյ անկորուստ՝ մարգարէաբար էր վերլու-
ծութիւնս եւ հաւատարմալի ապացոյցդ բանի, զի հա-
ւատամ զոր եւ խօսիմս: Այլ զի հայցեմ զի մտադրու-
թեամբ լուրցես եւ յիշատակ աշակերտելոցդ թողցես,
զի ոչ գիտեմ ես զխարզախութիւն զպրութեան: Այլ
մտից ի սիրտ քո սրբութեամբ եւ զքեզ հրաշացուցից
ի զուարթութիւն, զի առաւել է մզւի (?) քան զըն-
թերցմանց ներհունութիւն, որպէս արար ապերախան
քո Մխիթար՝ անմխիթար զմեզ թողլով ըստ խոստա-
ցելոյն որ ի հայցմանէն, զանձն եւեթ սիրելով եւ ոչ
զընկերն եւ եւս յորմէ ետես զսէր (Բեբէ):

(Ձեռ. Թիւ 1058, քղ. 64ա-65ա)

(Ա.Ռ անժամօթ ունի)

Սիրալիւր ողջունիւ ծանուցումն առնեմ, զի ծա-
նեաք զաստիճան գրոց իմաստասիրաց ծանօթանալի,
որոց զանուանսն արձանացուցեր մեզ տաղաչափիւք:
Եւ գիտեմք՝ զի որ զանուանսն գիտէ, գիտէ եւ զբարս
եւ զօրութիւնս նոցա՝ տեղեկանալով. որ ոք զծաղ-
կանց անուանցն տեղեկանայ եւ ազգմանց եւ զօրու-
թեանց նոցին, եւ ի չորս բաժանի: Ա. որք զանուանսն
գտին, գտին եւ զհոստ միայն առնելով: Բ. զզօրու-
թիւն նոցա տեղեկանալով: Գ. եւ ըստ ախտից զկազ-